

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINSKI SUD U VISOKOM  
Broj: 041-0-SU-21-000 948  
Visoko, 06.05.2021. godine**

Na osnovu člana 64. stav 1. tačka b), člana 70. stav 1., 3. i 6. i člana 89. Zakona o javnim nabavkama („Službeni glasnik Bosne i Hercegovine” broj 39/14) te preporuke Komisije za provođenje postupka javne nabavke utvrđene iz Zapisnika o pregledu i ocjeni ponuda poslije održavanja e-aukcije broj 041-0-SU-21-000947 od 06.05.2021. godine, u postupku javne nabavke kancelarijskog materijala za potrebe Općinskog suda u Visokom za 2021. godinu, d o n o s i m

**O D L U K U  
o izboru najpovoljnijeg ponuđača**

Ponuđač „PlanPlus“ d.o.o. Zenica, Dr. Hasana Muminagića 2-a Zenica, nakon provedene e-aukcije za nabavku kancelarijskog materijala za potrebe Općinskog suda u Visokom za 2021. godinu, sa cijenom od **10.300,00 KM bez PDV-a** proglašava se najpovoljnijim.

Izabrani ponuđač je dužan u roku od 7 (sedam) dana od dana zaprimanja ove odluke, dostaviti originale ili ovjerene kopije dokaza o ispunjavanju uslova u skladu sa datom Izjavom iz člana 45. Zakona o javnim nabavkama i novi Obrazac za cijenu ponude koji će da odražava smanjene cijene iz e-aukcije.

Ova odluka objavit će se na web stranici Općinskog suda u Visokom, istovremeno sa upućivanjem obavještenja o rezultatima postupka ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Po pravosnažnosti ove odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

**O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke, broj 041-0-SU-21-000704 od 05.04.2021. godine, u kojoj je predviđeno da je procijenjena vrijednost javne nabavke kancelarijskog materijala za potrebe Općinskog suda u Visokom za 2021. godinu, bez PDV-a 12.820,00 KM.

Tenderska dokumentacija i Obavještenje o nabavci broj 4256-7-1-4-3-1/21 objavljeno je na Portalu javnih nabavki 06.04.2021. godine a Poziv za preuzimanje Tenderske dokumentacije putem konkurentskog zahtjeva upućen je ponuđačima: „Svjetlostkomerc“ d.d. Sarajevo Muhameda Kantardžića 3 Sarajevo, „R&S“ d.o.o. Igmanska b.b. Vogošća i „Defter Komerc“ d.o.o Azize Šaćirbegović bb Sarajevo.

Postupak javne nabavke roba-Nabavka kancelarijskog materijala za potrebe Općinskog suda u Visokom za 2021. godinu, proveden je putem konkurentskog zahtjeva za dostavu ponuda broj 041-0-SU-21-000 721 od 06.04.2021. godine.

Ugovorni organ je dana 09.04.2021. godine zaprimio žalbu na tendersku dokumentaciju od 06.04.2021. godine, izjavljenu dana 07.04.2021. godine, od strane potencijalnog ponuđača „GRADPROM“ d.o.o. Srbac, zastupanog po punomoćniku Antoni Mili, advokatu iz Banja Luke.

Komisija za javne nabavke je nastavila sa radom radi formalno pravne i suštinske provjere prispjelih ponuda, te evaluacijom ponuda i analizom dostavljene dokumentacije utvrdila:

Ponude ponuđača : „PlanPlus“ d.o.o. Zenica, „Primaprom“ d.o.o.Banja Luka, „Defter“ d.o.o. Sarajevo i Elkom“ d.o.o. Vitez su prihvatljive, dostavljeni su svi traženi dokazi propisani tenderskom dokumentacijom i na način propisan tenderskom dokumentacijom, računski su tačne pa je Komisija za javne nabavke predložila Ugovornom organu da zakaže e-aukciju sa kvalifikovanim ponuđačima u skladu sa Pravilnikom o uslovima i načinu korištenja E-aukcije (“Službeni glasnik Bosne i Hercegovine”, broj 66/16).

Kako su ponuđači: „PlanPlus“ d.o.o. Zenica, „Primaprom“ d.o.o.Banja Luka i „Elkom“ d.o.o. Vitez dostavili dokaze da ispunjavaju uvjete za primjenu preferencijalnog tretmana domaćeg, Komisija za javne nabavke je dostavljene dokaze uzela u obzir i postupila u skladu sa Odlukom o obaveznoj primjeni preferencijalnog tretmana domaćeg, donesenoj od strane Vijeća ministara Bosne i Hercegovine.

Preferencijalni tretman cijena primjenjuje se samo u svrhu poređenja ponuda, prilikom ocjene ponuda, tako da se umanje cijene domaćih ponuda za preferencijalni faktor domaćeg od 30% u skladu sa Odlukom o obaveznoj primjeni preferencijalnog tretmana domaćeg, donesenoj od strane Vijeća ministara Bosne i Hercegovine („Službeni glasnik Bosne i Hercegovine, broj 34/20).

Prema kriteriju za izbor ponude, ponude se, prije e-aukcije, uz primjenu preferencijalnog tretmana cijena, rangiraju na sljedeći način:

	Ponuđač	Ukupna cijena bez PDV-a	Preferencijalni tretman	Rangiranje nakon primjene preferencijalnog tretmana
1.	„PlanPlus“ d.o.o. Zenica ponuda broj 73/21	12.453,18 KM	30% <b>-3735,95 KM</b>	8.717,23 KM
2.	Elkom“ d.o.o. Vitez ponuda broj 20-1/21	12.769,50 KM	30% <b>-3830,85 KM</b>	8.938,65KM
3.	„Primaprom“ d.o.o.Banja Luka ponuda broj ZP-104/21	16.063,36 KM	30% <b>-4819,01 KM</b>	11.244,25 KM
4.	„Defter“ d.o.o. Sarajevo ponuda broj 29-04-1/21	13.469,71 KM	NE	13.469,71 KM

Nakon uspješno okončane e-aukcije, zakazane i održane dana 06.05.2021. godine u 12,00 sati Komisija za javne nabavke je ponovo zasjedala dana 06.05.2020 godine u 14,00 sati i razmatrala izvještaj o toku i završetku e-aukcije, održane dana 06.05.2021 godine s početkom u 12,00 sati.

Na osnovu izvještaja o toku i završetku e-aukcije Komisija je konstatovala da je e-aukcija trajala od 12,00 sati do 12:37 sati i konačna rang lista ponuđača koji su učestvovali u E-aukciji, **uz obaveznu primjenu preferencijalnog tretmana cijena** je sljedeća:

1. „PlanPlus“ d.o.o. Zenica, ulica Dr. Hasana Muminagića 2a Zenica  
-ukupna cijena ponude bez PDV-a..... 10.300,00\* KM
2. Elkom“ d.o.o. Vitez  
-ukupna cijena ponude bez PDV-a.....10.380,00\* KM

3. „Primaprom“ d.o.o. Banja Luka, Vidovdanska b.b Banja Luka  
-ukupna cijena ponude bez PDV-a.....16.063,36\* KM


4. „Defter“ d.o.o. Sarajevo, Gatačka 20 71000 Sarajevo  
-ukupna cijena ponude bez PDV-a.....13.469,71 KM

\*označava cijenu na koju se primjenjuje preferencijalni tretman

S obzirom da je najniža cijena kriterij za izbor najpovoljnije ponude i da je „PlanPlus“ d.o.o. Zenica, ulica Dr. Hasana Muminagića 2a Zenica prvorangirani ponuđač nakon uspješno okončane e-aukcije, Komisija za javne nabavke je predložila Ugovornom organu da donese Odluku o izboru najpovoljnijeg ponuđača i zaključi Ugovor.

Na osnovu izloženog, a u skladu sa članom 64. stav (1) tačka b), odlučeno je kao u dipozitivu odluke.

**POUKA O PRAVNOM LIJEKU:** Protiv ove odluke može se izjaviti žalba Uredu za razmatranje žalbi Bosne i Hercegovine putem Ugovornog organa u roku od 5 (pet) dana od dana prijema ove odluke. Naknada za žalbu je propisana članom 108. Zakona o javnim nabavkama. Žalba se podnosi u dovoljnom broju primjeraka, koji ne može biti manji od tri.



**Dostavljeno:**

1. Ponuđačima x4
2. Komisiji za javne nabavke x1
3. Odsjeku za opće i računovodstveno-materijalne poslove x1,
4. a/a.